

## 客語能力認證考試【中級暨中高級】 口語測驗 樣卷

考試說明：

- 口語測驗分做三種題型：1. 華語轉換客語；2. 朗讀測驗；3. 口語表達。
- 測驗時間大約20分鐘。
- 請你照等題目个指示，口頭回答。每一隻題目會唸分你聽，還有鈴仔聲提醒你時間。

係講你試着聲音聽毋清楚、抑係忒大聲，這下請擎手同監考先生反應。  
係無麼个問題，請開始考試。

-----開始作答-----

## 一、華語轉換客語(共 3 題)

請你先聽下背个華語句仔了後，改用客語講出，開始回答時會提醒“請回答”，回答个時間大約 15 秒，時間到鈴仔會響一聲。

1. 吃這麼一點而已，不過癮，不夠塞牙縫。(文字+語音)

<請回答>食着一息仔定定，無過願，毋罉楔牙縫。……<鈴>

<其他省略>

## 二、朗讀測驗(共 3 題)

1、韻文朗讀：請同下背這三篇韻文用客語讀出來，3 篇共下準備个時間 1 分鐘，朗讀時間共 1 分鐘。開始準備時會提醒“請準備”，開始朗讀時會提醒“請開始讀”，結束時鈴仔會響一聲。

<請準備>……<請開始讀>……<鈴>(無文字，僅語音)

羊咩咩，十八歲，坐火車，轉外家，  
兩斗米，打糲粑，無糖好搵搵泥沙。

少小離家老大回，鄉音無改鬢毛衰，  
兒童相見不相識，笑問客從何處來。

葡萄美酒夜光杯，欲飲琵琶馬上催。  
醉臥沙場君莫笑，古來征戰幾人回？

- 2、**散文朗讀**：請同下背這 2 篇短文用客語讀出來，逐篇準備時間 1 分鐘，朗讀時間 2 分鐘。開始準備時會提醒”請準備”，開始朗讀時會提醒”請開始讀”，結束前 10 秒鈴仔會響一聲提醒，結束時鈴仔會響兩聲。

第 1 篇 <請準備>……<請開始讀>……<鈴>……<鈴鈴>(無文字，僅語音)

母親節前一禮拜日，阿真跔阿爸去蹶獅頭山，正出門無幾久，順等台三線，歸路仔隔遠就看得着半山排項，這一搭該一搭白白，像雪樣仔在樹尾頂同等，人講佢係五月雪，也就係油桐花。

獅頭山到哩，阿真兩子爺對藤坪蹶起勢，幹到六寮挨啊轉，看着蓬白个油桐花，開到榮榮盡靚，恁堵好一陣風吹來，有幾蕊仔油桐花，親像觀音娘騰雲个蓮花座，也像遮兵落下遮，悠悠然輕輕仔飄下來。路項乜有看着歸陣仔盡靚盡幼秀个青鸞仔，在該樹蓬肚樹桎頂，躍上躍下，盡得人惜。

第 2 篇 <請準備>……<請開始讀>……<鈴>……<鈴鈴>(無文字，僅語音)

<文略>

### 三、口語表達(共 3 題)

請照等題目个指示，用客語回答問題。下背這 2 題準備个時間有 30 秒，大約用 6 到 7 句話來回答。開始準備時會提醒“請準備”，開始回答時會提醒“請回答”，結束時鈴仔會響一聲。

1. 同學湊你下課後共下搞，毋過你想愛轉屋下，愛仰般客氣推忒佢呢?(文字+語音)

<請準備>……<請回答>…敗勢哦!今晡日吾姆千交代萬交代，喊佢下課後遽遽轉屋下，下擺有機會正共下搞。…<鈴>(無文字，僅語音)

2. <題略>

接下來這題，準備時間 1 分鐘、回答時間 2 分鐘。開始準備時會提醒“請準備”，開始回答時會提醒“請回答”，結束前 10 秒鈴仔會響一聲提醒，結束時鈴仔會響兩聲。

3. 這駁仔東西緊起價，工錢又無增加，你試着愛加班來賺兜仔所費？還係準時下班享受生活品質？請講看哪若看法。(文字+語音)

<請準備>……<請回答>……<鈴>……<鈴鈴>(無文字，僅語音)

-----考試結束-----